

UPM kerjasama anjur sukan kuda lasak

Oleh: SHARIL NIZAM SHA'RI

SERDANG (16-17 Dis) - "Melalui acara ini sukan kuda lasak dapat diperkenalkan dan mendapat galakan di kalangan rakyat Malaysia. Seterusnya, dapat mengikis tanggapan orang ramai bahawa sukan berkuda hanya untuk golongan elit sahaja," Presiden MERS, YM Raja Zainal Abidin Raja Hussin.

Pertandingan bertaraf antarabangsa yang diiktiraf Federation Equestre International (FEI), Lausanne, Switzerland berlangsung di Universiti Putra Malaysia (UPM). Anjuran Persatuan Sukan Berkuda Lasak Malaysia (MERS) dan penganjur bersama Universiti Putra Malaysia (UPM), Institut Penyelidikan Kemajuan Pertanian Malaysia (MARDI) dan Tenaga Nasional Berhad (TNB).

Fei adalah badan dunia yang ditubuhkan untuk menaikkan taraf sukan equestrian ke seluruh dunia melalui usaha-usaha seperti pertandingan World

Equestrian Games, FEI 2006 World Cup Final yang diadakan di Kuala Lumpur pada tahun depan.

Perlumbaan bertempat di Bukit Ekspo, UPM Serdang dengan laluan (trek) di Trek Laluan kuda UPM, Ladang MARDI, dan Trek Laluan Kuda di UNITEN ini terbahagi kepada tiga kelas iaitu, kelas 1 - 120 km (diiktiraf oleh FEI), kelas 2 jarak sejauh 80 km dan kelas 3 dengan jarak 40 km.

Sebenarnya, UPM terlibat dalam sukan kuda lasak semenjak 2003. Pemilihan UPM sebagai tuan rumah pada kali ini sedikit sebanyak membantu mempromosikan UPM dalam Sukan Berkuda pada peringkat nasional.

Para peserta Akademi Equestrian Centre, ARL Sdn. Bhd, Bukit Kiara Equestrian & Country Club, Pasir Pelangi Riding School, Johor Horse Tail Raiding Centre, Malaysian Armed Forces & Riding Club, Malaysian Endurance Riding Society, Mardi Equestrian Centre, Perdana Beach Resort Riding Club, Ar-Raudah Ekuin Centre Sdn. Bhd.

Pejabat Setiausaha Sulit YTM Tengku Mahkota Kelantan, Pejabat Setiausaha Sulit DYMM Sultan Terengganu, Selangor Turf Club & Sport Centre, Selangor Polo & Riding Club, Sabaah eluin Association, Terachi Horse & Riding Centre.

Terengganu Endurance Ride, Unit Berkuda PDRM, Unit Berkuda DBKL, UTM Equestrian Centre (UTM EC), Unit Ekuin UPM, 3Q Equestrian Centre, Penn Equestrian, KEM Kembara Ulu Yam.

Para peserta dikehendaki menamatkan perlumbaan sejauh 120km dalam masa yang ditetapkan. Laluan bagi perlumbaan kelas 1 terbahagi kepada 5 pusingan iaitu, 35 km, 25 km, 25km, 20km, dan 15km.

Selepas melalui setiap pusingan, para peserta dikehendaki menyerahkan kuda tunggangan masing-masing untuk diperiksa oleh pihak veterinar. Antara pemeriksaan yang dijalankan ke atas kuda yang berlumba berkaitan jantung (heart rate), kandungan air badan, alasan metabolic, muscous membrane, capillary refill.

Sekiranya keadaan kuda tidak memuaskan atau tidak mematuhi syarat-syarat veterinar, kuda tersebut tidak layak untuk meneruskan pertandingan. Dengan cara ini, kebajikan kuda sentiasa diberi keutamaan. Penderaan terhadap kuda tidak akan berlaku atau dibenarkan sepanjang pertandingan ini.

Seterusnya dapat peringkat memberi pendedahan, pengalaman dan pengetahuan dalam pengendalian aktiviti dan perjalanan pertandingan kepada staf dan pelajar khususnya daripada jurusan veterinar,

Ketua Taman Pertanian Universiti, UPM, Abdul Ghani berkata, pemilihan UPM sebagai penganjur bersama serta penggunaan kawasan kampus ini akan meningkatkan minat terhadap sukan berkuda di kalangan kakitangan dan mahasiswa UPM. Trek yang merangkumi kawasan dan pelbagai tanaman seperti pastura, ladang kelapa sawit, getah dan buah-buahan dapat mendedahkan peserta kepada cabaran lasak yang sebenar.